



## **Coiste an BAI um Dheonú Conarthaí**

### **Ercus Stewart, SC (Cathaoirleach)**

Tá Ercus Stewart, SC, ag cleachtadh ag an mBarra ón mbliain 1970. Tá sé ina Abhcóide Sinsearach ón mbliain 1982. Díríonn a ionaid chleachta ar an dlí sibhialta, ar dlí na tráchtála, ar dlí an tsaothair, ar dhlíthíocht agus ar eadráin. Tá an tUas. Stewart ina bhall den Bharra i dTuaisceart Éireann, i Sasana agus sa Bhreatain Bheag agus san Astráil (NSW) freisin. Taobh lena chleachtadh dlí, is eadránaí in Eadráin Tráchtála idirnáisiúnta agus náisiúnta é an tUas. Stewart.

### **An Dr. Anne O'Brien**

Tá an Dr Anne O'Brien ina stiúrthóir acadúil le hIonad Kairos Communications um Staidéar ar na Meáin, Ollscoil na hÉireann, Maigh Nuad. Is iad na príomhábhair spéise taighde atá aici ná polaitíocht na forbartha agus ról na meán in athrú sóisialta. Ina leabhar The Politics of Tourism Development, féachtar ar an ról a imríonn an stát agus polaitíocht na hearnála príobháidí maidir le forbairt in Éirinn.

### **Eimer McGovern Uas.**

Tá Eimer McGovern ag obair mar Phríomhoifigeach Airgeadais Fenergo. s cuntasóir cairte í agus d'oibrigh sí i bpoist éagsúla chuntasaíochta le PricewaterhouseCoopers ón mbliain 1984 go dtí an bhliain 1989. Tá céim onóracha aici sa tráchtáil ón gColáiste Ollscoile, Baile Átha Cliath, Éire. Ceapadh chuig an gCoiste um Dheonú Conarthaí í den chéad uair an 30 Samhain 2009.

### **An tUas. John Hogan**

Tá an tUas. John Hogan ag obair go gníomhach i sainchomhairleoireacht gnó le breis agus 30 bliain, agus é ag obair le raon cliant náisiúnta agus idirnáisiúnta amhail Coimisiún an Aontais Eorpaigh, Grúpa an Bhainc Dhomhanda, Banc Ceannais na hÉireann, USAID agus an tÚdarás Seirbhísí Airgeadais sa Ríocht Aontaithe. Mar aon leis an ngairm feidhmiúcháin atá aige, tá an tUas. Hogan ag fónamh ar bhord an Bhoird um Fhaisnéis do Shaoránaigh le beagnach deich mbliana anuas.